

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-7-1404/15
Sarajevo, 4.11.2015. godine

Z A P I S N I K
6. VANREDNE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane 23. oktobra 2015. godine

Sjednica je počela u 19:46.

Sjednici je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predstavnike medija, predstavnike Međunarodne zajednice, premijera Federacije i ministre.

Izostanak sa sjednice je najavio delegat Sejo Bukva.

Na osnovu evidencije Stručne službe, predsjedavajuća je konstatovala da sjednici prisustvuje 50 delegata, što čini većinu, te Dom naroda može raditi i punovažno odlučivati.

Prije prelaska na rad delegati Doma naroda su minutom šutnje odali počast preminuloj doktorici Hafezi Sabljaković kao i rudarima nastradalim u nesreći u Rudniku „Kakanj“.

Potom se prešlo na utvrđivanje dnevnog reda.

Vlada Federacije dostavila je Prijedlog Zakona o izmjenama i dopunama Zakona o državnoj službi u Federaciji BiH sa prijedlogom da se razmatra po hitnom postupku.

O pitanju procedure povelja se rasprava u kojoj su čestvovali: Slaviša Šućur, predsjednik Kluba delegata srpskog naroda, Predrag Kojović, Aner Žuljević, Izmir Hadžiavdić, Željko Mirković i Jasenko Tufekčić.

Slaviša Šućur je rekao da je Klub delegata iz reda srpskog naroda dostavio zahtjev da se Prijedlog Zakona o izmjenama i dopunama Zakona o državnoj službi u Federaciji BiH razmatra po proceduri predviđenoj za vitalni nacionalni interes.

Na osnovu člana 188. Poslovnika o radu Doma naroda predsjedavajuća je stavila na glasanje da se ovaj prijedlog Zakona razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 30 glasova za, uz 18 glasova protiv i uz dva uzdržana glasa, usvojio da se Prijedlog Zakona o izmjeni i dopuni Zakona o državnoj službi razmatra po hitnom postupku.

Budući da je Aner Žuljević izrazio sumnju u rezultate glasanja, sekretar Doma naroda Izmir Hadžiavdić obavio je poimenično izjašnjenje delegata.

Na osnovu rezultata poimeničnog izjašnjavanja, predsjedavajuća je konstatovala da je Dom naroda Parlamenta Federacije BiH, sa 30 glasova za, uz dva uzdržana glasa i uz 19 glasova protiv, usvojio da se Prijedlog Zakona o izmjeni i dopuni Zakona o državnoj službi razmatra po hitnom postupku.

Predsjedavajuća je podsjetila delegate da će se na prijedlog 10 delegata iz Kluba delegata srpskog naroda Prijedlog Zakona o izmjeni i dopuni Zakona o državnoj službi razmatrati po proceduri predviđenoj za vitalni nacionalni interes.

Zatim je predsjedavajuća stavila na glasanje i, na osnovu rezultata glasanja, konstatovala da je Dom naroda Parlamenta Federacije BiH, sa 30 glasova za, uz dva uzdržana glasa i uz 18 glasova protiv, usvojio sljedeći:

D N E V N I R E D

1. Prijedlog Zakona o izmjenama i dopunama Zakona o državnoj službi u Federaciji BiH – hitni postupak.

Vlada Federacije je utvrdila Prijedlog Zakona o izmjenama i dopunama Zakona o državnoj službi u Federaciji BiH, te je naknadno dostavila četiri amandmana koji su postali sastavni dio Prijedloga Zakona.

Također, na Prijedlog Zakona o izmjenama i dopunama Zakona o državnoj službi u Federaciji BiH amandmane su podnijeli sljedeći delegati: Almedin Aliefendić, Admir Hadžipašić, Predrag Kojović, Lejla Imamović i Lejla Didik-Sarajlić.

Delegat Almedin Aliefendić podnio je dva amandmana koji se odnose na čl. 3. i 5. Prijedloga Zakona.

Delegat Admir Hadžipašić podnio je četiri amandmana koji se odnose na čl. 1. i 5. Prijedloga Zakona.

Delegat Predrag Kojović podnio je sedam amandmana koji se odnose na čl. 1., 2., 4., 6., 12., 17. i 18. Prijedloga Zakona.

Delegatkinja Lejla Imamović podnijela je dva amandmana koji se odnose na čl. 4. i 22. Prijedloga Zakona.

Delegatkinja Lejla Didik-Sarajlić podnijela je četiri amandmana koji se odnose na čl. 4., 6., 22. i 10. Prijedloga Zakona.

Amandmani su dostavljeni Vladi Federacije na izjašnjavanje.

Predstavnički dom Parlamenta Federacije BiH obavijestio je Dom naroda da je na 10. vanrednoj sjednici od 23. oktobra 2015. godine usvojio Prijedlog Zakona o izmjenama i dopunama Zakona o državnoj službi u Federaciji BiH u tekstu kako ga je predložila Vlada Federacije sa tehničkom ispravkom.

Prijedlog Zakona su razmatrala nadležna radna tijela Doma naroda i dostavila izvještaje.

Federalni ministar pravde Mato Jozić je obrazložio Prijedlog Zakona o izmjenama i dopunama Zakona o državnoj službi u Federaciji BiH.

U raspravi su učestvovali: Slaviša Šućur, Predrag Kojović, Tomislav Martinović, predsjednik Kluba delegata hrvatskog naroda, Admir Hadžipašić, Lejla Imamović, Segmedina Srna-Bajramović, Aner Žuljević, Slađan Ilić, Željko Mirković, Osman Ćatić, predsjednik Kluba delegata bošnjačkog naroda koji je, u ime Kluba predložio zaključak, i Draženka Subašić.

Federalni ministar finansija Mato Jozić je obrazložio stav Vlade Federacije o amandmanima na Prijedlog Zakona o izmjenama i dopunama Zakona o državnoj službi u Federaciji BiH, koje su podnijeli delegati Doma naroda Parlamenta Federacije BiH.

Amandmani I. i II., koje je podnio delegat Almedin Aliefendić, nisu prihvaćeni.

Amandmani I., II., III., IV., V., VI. i VII., koje je podnio delegat Predrag Kojović, nisu prihvaćeni.

Amandmani I., II., III. i IV., koje je podnio delegat Admir Hadžipašić, nisu prihvaćeni.

Amandmani I., II., III. i IV., koje je podnijela delegatkinja Lejla Sarajlić, nisu prihvaćeni.

Amandmani I. i II., koje je podnijela delegatkinja Lejla Imamović, nisu prihvaćeni.

Amandmani I., II., III., IV., V. i VI., koje je podnio delegat Aner Žuljević, nisu prihvaćeni.

Almedin Aliefendić, Admir Hadžipašić i Predrag Kojović su odustali od svojih amandmana.

Predsjedavajuća je stavila na glasanje amandmane Lejle Imamović, Lejle Didik-Sarajlić i Anera Žuljevića.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH, sa 18 glasova za, uz tri uzdržana glasa i uz 30 glasova protiv, nije usvojio amandman I. Anera Žuljevića.

Delegat Aner Žuljević je odustao od drugih amandmana.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH, sa 20 glasova za, uz četiri uzdržana glasa i uz 26 glasova protiv, nije usvojio amandmane delegatkinje Lejle Imamović.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH, sa 21 glasom za, uz tri uzdržana glasa i uz 27 glasova protiv, nije usvojio amandmane delegatkinje Lejle Didik-Sarajlić.

Budući da je 10 članova Kluba delegata srpskog naroda dostavilo zahtjev da se razmatranje Prijedloga Zakona o izmjeni i dopuni Zakona o državnoj službi obavi po proceduri predviđenoj za vitalni nacionalni interes, glasanje se obavilo po proceduri predviđenoj za vitalni nacionalni interes, tj. glasalo se prvo po klubovima naroda, a nakon toga u cjelini.

Za Prijedlog Zakona o izmjeni i dopuni Zakona o državnoj službi iz Kluba delegata bošnjačkog naroda glasalo je 14 delegata dok su tri delegata bila protiv.

Za Prijedlog Zakona o izmjeni i dopuni Zakona o državnoj službi iz Kluba delegata hrvatskog naroda glasalo je 14 delegata dok je jedan delegat bio uzdržan.

Za Prijedlog Zakona o izmjeni i dopuni Zakona o državnoj službi iz Kluba delegata srpskog naroda glasala su dva delegata dok je 10 delegata bilo protiv.

Potom se Dom naroda u cjelosti izjašnjavao o Prijedlogu Zakona o izmjeni i dopuni Zakona o državnoj službi u Federaciji BiH.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 30 glasova za, uz jedan uzdržani glas i uz 20 glasova protiv, usvojio Prijedlog Zakona o izmjeni i dopuni Zakona o državnoj službi u Federaciji BiH sa četiri amandmana Vlade Federacije BiH koji su postali sastavni dio ovog zakona i sa tehničkom ispravkom koju je na sjednici Doma naroda Parlamenta Federacije BiH dao federalni ministar pravde Mato Jozić, koja glasi:

- "U članu 19. koji se odnosi na član 48. umjesto teksta: "člana 11c." treba upisati tekst: "člana 11a."?"

Budući da je Dom naroda Parlamenta Federacije BiH većinom glasova delegata usvojio Prijedlog Zakona o izmjenama i dopunama Zakona o državnoj službi u Federaciji BiH, a da većina članova Kluba delegata srpskog naroda nije za njega glasala, ovaj zakon će se, u skladu sa članom 117. stav 6. Poslovnika o radu Doma naroda Parlamenta Federacije BiH, proslijediti Zajedničkoj komisiji za usaglašavanje Prijedloga Zakona o izmjenama i dopunama Zakona o državnoj službi u Federaciji BiH sastavljenoj na paritetnoj osnovi od predstavnika oba doma Parlamenta Federacije BiH. Komisiju čini 14 članova i to: iz Doma naroda sedam članova (po dva predstavnika iz svakog konstitutivnog naroda i jedan iz reda ostalih) i sedam članova iz Predstavničkog doma. Zajednička komisija usaglašava tekst Zakona.

U slučaju da Zajednička komisija ne postigne saglasnost u vezi sa Prijedlogom Zakona ovo pitanje će se, u skladu sa članom 118. stav 4. Poslovnika o radu Doma naroda Parlamenta Federacije BiH, proslijediti Ustavnom sudu Federacije BiH na donošenje konačne odluke da li se Prijedlog Zakona odnosi na vitalni interes srpskog naroda.

Sjednica je završena u 22:06.

Transkript sjednice čini sastavni dio Zapisnika.

SEKRETAR
Izmir Hadživdić

PREDSJEDAVAJUĆA
Lidija Bradara